


A Monthly Christian Magazine

AN ORGAN OF THE ZOU PRESBYTERIAN CHURCH SYNOD

Khristian Tangkou

Vol. 54 || No. 1 & 2

January & February, 2018



Editor: Rev. Stephen Chinzathang

Synod Kumpuon: **"Pasian thuguh kem"** (I Korin 4:1)

Khristian Tangkou

Vol. No. 54 || Issue No. 01&02 || January & February, 2018

Editorial Board

Editor : Rev. Stephen Chinzathang - 9863042789
ct_stephen@yahoo.com

Joint Editor : Rev. Khamchinkhai - 8730933744

Cir. Manager : Upa Jamsianmung - 9862086615
sianmung@rediffmail.com

Bus. Manager : Upa Kamgenpau - 8974612937
Shie T. Ginzahau - 8974438842

Cont. Editors : Upa Khupsuankham - 9856406454
Rev. Awnkhankhup - 9862828921
Rev. Dr. Hangpi Maunlun - 9862910875
Rev. Kaimuanlal - 9862923960

ZOU SYNOD ULIENTE

• Moderator:

Rev. Awnkhankhup

• Moderator Elect:

Rev. Dr. Hangpi Manlun

• Secretary (Sr):

Upa Er. Thangchinmang

• Secretary (Jr):

Upa Liensuonkap

• Treasurer:

Upa Chinsuanthang

• Statistician:

Upa Khaihenthang

• Executive Secretaries:

Rev. Stephen Chinzathang

Rev. Khamchinkhai

A sung thu

- Editorial..... 01
- Thu tuomtuom 02
- Lakutpi Report 05
- Deitel thei a siem i hi uh..... 06
- Kum tha thuvaihah loupitah 08
- Nehguh Tawpsan va ui..... 13
- Khrist a simsiem tha17
- Suunna..... 21
- Khochin sum sun dan..... 23
- ZPWF Cumlumn 24

Copies - 1100

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Editorial

Khristian Tangkou Simtu zouzie na bon un Kumtha chibai ka hing buh
hi. Mangpa Pasion mapuina hoitah tami kumthah 2018 in nang
leh na innsung mite leh na nasepna, na sep na bol ua na School kainate ah
Mangpa'n hing umpi zing henlen na ma hing pui taken.

Tua ahi lai in tu kumtha thupi ding tami toh pangkhawm in pan la lei chi
iki deisah hi. A thupi ahileh (Life is not hard you are just solf) Hin khu a
hamsa ahisih a nang pen a nem talua hikha vate chi toh iki hanthawn in
2018 buon vai.

A hin khuo a hamsa ahisih chipen Mangpa Pasion muon ngamna ah pan la
lei chi in ka gel hi. Mihing khat pou in maban a ding gelkhollou a gam tang
koima a ki um sih hi achi na in Pa in a innsung kumteng ding in pan ala hi.
Laisim ten zong kumteng ding a sang (School) kai ahi uhi. Nasemte lou
nasem ten zong kumtop chieng a bang zat a mu ding kinem ahi. Tuabang
ma in ei gingtute zong huntawpchienga bang ahiei Pasion masang a i tan
ding uh chi kinem ihina toh Pasion bie ihi uhi. Tua ahilai in koi tobang in
a bul tung a kipan hoilou a atawp chieng a hamphatna nga ding a kinem
pawl i um ding uhi. Ahi tuabang pen hithei lou ahi ziehin a koi akoï zong
tua kumthah abul a ding ihina uh toh kitawn in pan la chiet vaui. Koi tobang
lam-et lai a thase den a apeï leh a vaitung hah hi. Tua ma bang in kumtha pen
abul hoi tah a pan chiet a Pasion toh zawh khawm a Pasion thuguh kemte
pen apil vang ua zong ataima ding uh ahi. Tua ziehin Kum 2018 pen thase
lou kei in buon tou va ui. Pasion toisang in hindan lamthah in Hattuum ten
Pasion suitha in eima chiet ah Mangpa pahtawi vai.

Mangpa'n simtu zousie te hing guolzawl taken. Kumtha chibai.

.....

Thy tuomtuom leh Thumpi dingte



01. Pasian hoina leh mapuina toh kumlui ha liem zou in Kumtha meeltha lihleh hing pui galkai a hing musahtu Mangpa min loupi phatkawm in Ama thupina ipe masa uhi. Kumtha a ding ihina utoh kizui in Zou Synod huong sung a Ama nna sephawmpi Hattuom chinte kumtha chibai ka hing buh uhi.
02. Pasian in Ami siengthoute thumna hing dawng in buoina bangma umlou in ipu, ipaten Zogaal ana satna chiemtena Commemoration CEMETRY Suongphum leh Suongphu a kum 100 chinna CENTENARY latna leh lopna apeisa December 18-19, 2017 sung in Behiang Khopi ah kizang zouta. “Thupina Mangpa’n tang hen”
03. Dated 15th - 17th December 2017 sung in PCI General Assembly saina in a 36 vei Gospel Campaign, Meitei Presbyterian Singlup Synod te host na in kizang zouta. Theme: “Jesus Prince of Peace” chi ahi. Ei Zou Synod apat in mi 10 ava pang thei uhi.
04. Apeisa 7 - 10th, December 2017 sung in Bungkawm Presbyterian Biehinn ah a 94 vei Mizoram Synod Khawmpi nuomtah leh lawchingtah in zang zouta uhi. Ei Zou Synod apat Rev. Khamchinkhai leh Upa T. Kaizalam te palai in vapang uhi. Thupi: Hattuom Pasian innkuon (Eph. 2:19).

05. Zou Synod in Gari leitha: Zou Synod Vehicle Project thuphasah umsa bang in apeisa January 04, 2018 niin Gari leitha in Pasian kung ah latna zong neizouta uhi. Pasian khut hat a kep leh zah ahitheina dingin leh Driver David Kapkhanthang ding in zong thumpi chiet vaui.
06. Zou Synod Sunday School Committee thuphasah umsa bang in apeisa January 24, 2018 niin i pawlpi huop a Hattuom chin a Sunday School Teacher dingte Training neipi uhi. Ahun 11:00am Amun: MGP Golden Jubilee Hall. Resource Persons: Rev. Dr. Hangpi Manlun, Rev. Awnkhankhup.
07. ZPYF LAKUTPI 2018: Zou Synod etkolna nuoi a um Zou Presbyterian Youth Fellowship (ZPYF) te panlahna toh Dated 12-14 sung Lakutpi - 2018. Presbyterian Church New Zoveng te host na in kizang zouta. Thupi: “Amin tawisang vaui” (Late 34:3).
08. PRO. PASTOR INDUCTION SERVICE: A(14) vei Zou Synod Khawmpi vaihawmna thuphasah umsa bang in apeisa January 07, 2018 niin Pro-Pastor semlaite a post chiet uah Induction Service kibawl zouta. Ama uh Post chiet ua meivah tansiem banga vanzat manpha ang hitheina ding un thumna toh bawzui chiet vai. Ama uhte:
- | Min | Post | Presbytery |
|------------------------|-------------|-------------------|
| 1. P/P. S. Ginlienmang | Daijang | MGP |
| 2. P/P. Khupsienlal | Maukot | ZTP |
| 3. P/P Kamminthang | Khuoinuoi | MEP |
09. Kumtha a ding lel ihina utoh kizui in Manipur gam sung leh Outside Manipur huop a laisimte leh sepna neite a dingin chidamna, lamzannate nget pieh va ui. Khum mai hilou in Hattuom chin leh Local chin a amudan dan ua silpieh pete a din thumsah va ui.

10. Dated 9th January 2018 niin Rev. Mangsuanthang Central District (Town Area) Pastor in sunglam natna ziehin RIMS Hospital Imphal ah zanlam nai 10:00pm in thupina gam hing na zot santa hi. I it in i suun ua, azi leh atapa a ding thumpi va ui.
11. Pasian hoina leh umpina muongkawm in Zou Synod huop a Mission Khawmpi ang tung ding Feb. 09-11, 2018 sung Presbyterian Church Muallum ah um ding hi. Thumna toh thei chiet vaui. Thupi: : “Gim leh gentheina thuoh a Pasian gam nasepna” chi ahi. Khum hun chieng Zou Synod gasuo Missionary ten Reports leh pantu hina la ding uhi. Ama uhte: (1) Tv. Sienlunthang (2) Tv. Siehkhothang (3) Tv. Thanglal (4) Nh. Nemzavah.
12. Apeisa dated 1st January 2018 niin Muallum Presbyterian Hattuum kum sawm guh “Diamond Jubilee” lawchingtah in lawpna nei uhi.
13. Apeisa dated 3rd - 5th January, 2018 sung in Buhsau Presbyterian Church ah Bieltu Pastor Rev. Dr. Hangpi Manlun Speaker na nuoi ah Local Crusade lawchingtahin zou uhi. Tuanah Pasian hagau pawlna tangtha tam tah um uhi.

.....

Reports

ZPYF LAKUTPI 2018-REPORT

ZPYF Lakutpi - 2018 Presbyterian Church New Zoveng 'Amin tawisang va ui' Late 34:3

January 12-14, 2018 Mangpa mapuina toh mangthei a i um jieuh un, Mangpa min tawisang in um taheh.

Tam Khawmpi ah Keynote address Rev. Khamchinkhai Executive Secretary i/c Youth in a nei a, Video Album leh Sovenir Honna leh latna Rev. Stephen Chinzathang in anei a tualeh Rev. Awnkhankhup Moderator in Lakutpi khahna nei hi. Tami Lakutpi hung sung in Muani Tombing in Seminar Paper Khristiante leh Nei-le-lam ang lahsah a, Testimony Tv. N. Thangsuonpau in anei a, Khanglaite lim leh kipahsah mama uhi. Rev. Kaimuonlal in Khanglaite Challenge na ang neipi a, Lakutpi ah Pasion mintawisang va ui tungtawn ah ki taidemna top 12 teng lah ah tam anuoi a teng in best artist/top artist ala uhi.

1. Kimneilun, V. Bethel
2. Marilyn Niangpiching, Thingkangphai
3. T. Ginneikhual @ Khualpu Zou, T. Daijang

Tualeh Lakutpi khawmpi hing zintunsah (Host) New Zovengte tung a i lungdam mama uhi. Mangpa'n a ma min tawisang thei zawsem ding in hing guoljawl chiet taheh.

Kipah ing.

Reported by,

T. Thangneilal
ZPYF, Co-Ordinator.

.....

DEITEL THEI DING A SIEM I HI UH

Muonna Ahsi Sep.2017 issue apat lah sawn.

mangpa'η **MIHING** a siem in deiteel thei ding in ana siem a, a ut leh sil sukhiel thei a, a ut sih leh sil sukhiel lou thei ding in deitel theina, zalenna mihing a siem khu a pethei thou hi. Khum bang dungzui in Bible ah zong deiteelna tamtah asie leh apha muthei ding aum hi. Tamte lah ah mi khenkhat tomkim tah in enkhawm va ui.

1. **Mosi deiteelna (Heb. 11:23-27):** Mosi masang ah pen deiteel ding lien tah a um a, Aigupta Mangpen tanu tapa aum a, Aigupta gam hausatna zousie neitu ahiei? Ahilou leh Pasian mite toh gamdai a vahvai.....? Tam deiteelna pen mihing a ding a sil bailam ahisia hamsa tah ahi. I tenna khovel ah khun nuom taha khosah khu teelchiet a nuomsa ngen ki hiding ahi. Tahsap nei lou a i deidei, idu du neithe ding, pen mihing zousie a ut lou um lou ding ahi. Hinanleh Mosi in pen sawtlou sung bep gitlouna, nop chetna liimpi sang in Pasian mite toh suhgenthei thuoh khu a teel zawta! (Chang 25) Mosi'n a tel pen a tel dih a Kanaan gam, Pasian gam chiem tan pen lutpi zou tasih nanleh saal apat in Pasian miten zalenna amulaw uhi. Mosi banga deiteelna dih Pasian pomtah i tel theina ding un taan ngamna nei apoimaw hi.
2. **Solomon deiteelna (I Leengte 3:5-28):** Pasian in Solomon kung ah khun “bang e ka hing pieh ding achi lai in Solomon in na suoh khu mipite tung ah a dih leh a dihlou ka khen tan theina ding in vaihawm siemna hing pien” chiin pilna a ngen a, tam a sil nget in Pasian asukipah mama a, a nget khah lou hausatna leh za-umnate apekhawm ngal ahi. Solomon in a teel zawh

thei ding sil tamtah aum a, hinanleh tam hawpen teel zawlou in Pasian mite tung a vaihawm siemna, pilna a ngenzaw ahi. Chang 16-28 isiem leh bang zieh a tam bang lawmlawm a loupil leh hausa taha um thei ahi diei ichi ahi a ahileh a deiteelna ga ahi. Mani ang masiel kei lou a, Pasian mite tunga vai a hawm siem theina dingin pilna angen a, Pasian a tung ah akipah a, angetlou tan ah zong a pieh belap hi.

- 3. Juda Iskariot deiteelna:** (Matt. 26:14-16; Mk. 14:10-11; Luke 22:3-6). Ama ah khun deiteel ding a um a, Mangpa Jesu Pasian tapa khovel suol tantu ahiei? Adei, ahilou leh khovel sum leh pai hausatna i? Tulai khovel ah khun Juda mabang in eima ah khun deiteelna ding aum zing hi. Juda in tambang a deiteelna a siem masang in a ngaituona tam tah seng thou dingin gintat a um a, atawp ah thupuona siem in Mangpa Jesu sang in sum (dangka 30) a teel zawta ahi. Nan leh atan, i suizom zel a ahileh Juda ngei in “Mawna neilou sisan ka suosah na ah khun ka sukhielta ahing chita a ka teel zaw (dangka 30) pen zong ka zangngam nonsih siempu mangte leh Upate kung ah ka pekia a, hinanleh amau in a la nuom kia sih a, lungkham leh chimawtah in temple sung ah seplut in a nuosie ta, lungsim buoi mama kawm in huoise tah in a shita hi (Matt. 27:3-5). Juda in a deiteelna ga a tuoh ahi, ahuoise Unau deiteel theina nei dia loupil taha siem ihi ziehun khovel a i khosah hun sung ua nichin a i deiteel na uah khun pilvang a ngai mama hi. A tung ah deiteel siem mi 3 i gen ua tamte lah ah pen Juda ten zalentaha a deiteel theina Mangpa’n ana pieh khu a zang khiel ua, ahinkhuo uh a tawp dan zong ahuoise seng hi. Tunin nang bang toh bangin deiteelna na siem diei? Na thu in siemmaw tang dinga, na thu ma bang a i deiteel nate khu zang dih thei chiet dingin a hagau siengthou in hing umpi chiet taken....!

.....

KUM THA

Thuyaihah Ioupitah

- Upa Khupsuankham

"Nangma leh Israel mipite kiguong unlen, Jordan luidung galkai un...." (Joshua 1:2b)

Thumapui:

Pasian sil thawnpieh kum 2018 kum pumpi khu i masang uah a um hi. Bang tobang in tuami hun leizaw guollou khu zang ding nahiei? Apostle Paul in, "Nite ahoilou jieh in na hun lemtang neisunte nou lei un...." achi hi. (Eph. 5:16). Tuapen ahoi theitawp leh aphatuom theipen in zangin china ahi. Na hun zahdante jiehin Pasian kung ah account nape ding hi.

Kumlui a peisa hita a, kumkia lah kinepna mai ahia, tukum pen nanei sun na khut a um ahi. Mosi thumna khu i thumna uh hihen. "Pilna lam a kalungtangte uh ka ngah theina ding un tuachin kadam sung nite uh simdan hinghil in" (Lapite 90:12).

Damsung khosah ngaituonate, inn-le-lou, neh-le-dawn, sil-le-teen puohgih leh hamsatnate jiehin nalung akie ahithehi hi. Namailam hinkhuo ding pen miel leh bing nasa ahimaithehi hi. Tuabang nahileh Pasian thuchiem khu la in. "Mosi ka umpi mabang in kang umpi ding hi, tualah kang nuasie vawtsih ding hi" (Joshua 1:5b). Pasian in tam kum khu nazah ding, lawching ding in angpie hi. Tahsa sil a zang ding nahiei or Hagau sil a zang ding nahiei? Hun peisa "Thupiehtha i-et masang un hunpeisa hunkhop khat envai. Tampen Israelte gamdai a kum 40 sung avahvai uh thu ahi. Tam pen a tomlam in I-Korinth 1:11

sung ah akimu hi. Nua-etkiana ah lawhna a um hi. Tamte khu eite ding a etton ding a atung ua nana tung ahi. Tualeh eite khovel tawp hing tunnate kung a ki thuhilna ding a gel ahi. Bang ata diei ijil ding uh?

1. Sil hoilou lunggullou ding I-Kor. 10:6
2. Milim biehlou ding 7
3. Neh-le-dawn a Pasian manghillou ding
4. Kimawl thangthuoilou ding (7)
5. Nu-le-pa hina thanghuoitah a zahlou ding.
6. Pasian ze-etlou ding 9
7. Phunlou ding 10

Tualeh, tamte tung ah bangna a natung taile? Mipite lah ah Pasian lung atung tasih a, gamdai ah apualum siengta uhi (I Kor. 10:4). Tam khu tangthu dahuoi leh lunghel huoitah khat ahi. Pasian suoh Mosi lah Pasian in avuita hi. Kumte, mihingte lamkaite khu ahingpei ua, apei jel uhi. Tualeh Pasian pen kumtawn Pasian ahia, asuohte avuimaithei, tualeh Pasian in ana vui ngaisih ding hi. Tuajieh in nualang en nonlou in mailam en in, mailam nawjova-ui.

Thupieh tha

Pasian in asuoh Joshua lamkai tha tungtawn in thuvaihah apie hi. Pasian thupiehte khu Pasian hisah thana ahi. Pasian thupiehtha juiding in kimansa in um in. Thupiehtha bangja a hei khat envai. Pasian thu simjing inlen, mite jasah in china ahi. Nakam a Pasian thu Job, David leh Johna-te kam ah Pasian thu ahum leh atui tobang a abawl ding ahi (Job 23:12, Lapite 10:10, Lapite 119:103, Kihilna 10:9). Pasian thu thei in “Hinanleh sun-le-zaan in angaituo gige ding ahi (Joshua 1:8b). “Hinanleh kipahna khu Mangpa dan ahia, tualeh adan thu khu sun-le-zaan in angaituo ngitngat hi” (Lapite 1:2). Thudih khu adihtahma a khen in zumna ding neilou nasemtu bang a, Pasian ngai a hoina kizousah ding kingaituo in (II Tim. 2:15). Pasian thu theisiem in china ahi. University a minthang tah President khat in University a degree tengteng sang in Bible thei katelzaw hi” achi hi.

Pasian thu jui inlen asung a thu kigiel bangbang in a unsieng in bawl in (Joshua 8). Pasian sun leh thei khu silkhat ahia, tualeh Pasian thujui thudang ahi. Tulai a abuoihuoipen khat khu thugen siem leh siemlou man thei e, eima kisol thu ngaikhie a, juipeiloute ahi uhi (Jacob 1:22). Pasian guoljawlna khu thuman a kipan chauh ahi. DL. Moody in, “Bible in suol apat in angkhen ding a, tualeh suol in Bible apat angkhen ding hi” anachi hi. Thu tamthei a juilou sang in tawmnou thei a jui ahoizaw hi.

Jordan galkai in (Joshua 1:2). Tuipisan galkai tahsa suol apat hundam ana hita a, hinanleh Jordan galkai joulou mani hinkhuo a mihinglui leh umjel apat hundam nailou nahi thei hi. Ginna ah Jordan gal nakai ding hi. Pasian Thuhun Bawm khu en inlen Siempute tobang in ginna in nakeng khu tuisanlai ah dialut in. Muthei in hing sinlen ginna in hing in. Ginnalou in Pasian kipahsah guol ahisih hi (Heb. 11:6). Namit in Pasian Bawm khu en inlen Pasian Bawm apat in kigamla sin. Reuben, Manasse leh Gath nam kimkhatte bang in Jordan galkailou a gamnei ding tumsin. Jordan gallam ah Pasian in agam piehna mun khu. Elisa in Jordan gal akai masang in Apu Elisa apat guoljawlna atan leni atangsih hi. Jordan lui kisattan lai a Apu ajui galkai a tualeh agallam ah Apu puon atawm hi. Tualeh khumi puon tawi in Jordan lui khu asattan hi.

Israelte Tuipisan galkai zousie Jordan gallam ah akai siengsih uhi. Tualeh Joshua leh Caleb chauh akai uhi. A unpi un Mangpa nuajui ahi uhi. Hinkhotuom bih azang uhi. Hinkhuo siengthou azang uhi. Khristian hinkhuo a guoljou hiding khu sil manpha ahi. Khovel lungsiet kawm in Jordan akai theisih ding hi. Ginglel kawm in nahi thei sih ding hi. Khovel shi san unlen Jordan galkai dingin thutanna nei in. Suol tung ah guoljou hinkhuo zang ta in.

Kumtha limlang (Mirror for the year)

“Hing ittsem ing Nang malai sang in tu in,
Hing ittsem ing nang kumlui sang in tukum in”.

“Tuni in nouten bang e na dei uh, hinna leh shina, Pasian guoljawlna e, Pasian sapsietna e, natel uh, Nadei tel uh hing theipi ding in van leh lei kahan ahi. Hinna kitel un”. (Deut. 30:19).

Atung a i Bible tangtel in eite thupi kal ah khat jawhsang thei ding in ang dei a Shina e Hinna? Guoljawlna e sapsietna? I Pasian in hinna kitel ding in ang dei hi. Nang in bang natel ei? Tami khu masot in kumlui iman dan uleh kumtha i man dan ding uh enva ui.

Kumlui sung in nouma innsung ah

1. Na ji/na pasal toh bangjat vei naki phunsan uoi?
2. Na naute/na-uute,namoute toh naki haukha ei?
3. Na nu-na pa thu oilou in bangjatvei na um ei?
4. Innsung naki tuohmaw jieh un lawsapna natuohkha uoi?
5. Innsung naki tuohmaw jieh ua nahamsiet nate uh khuol in.
6. Pasian thu najuila jieh a vangsietlaw nakisahna a um ei?
7. Pasian thu lam a na innsung uh na ki deisahla dan uh nageldoh thei ei?
8. Innsung leh kholai ah midangte lungsim natna in na umkha ama? ngaituo/tuot in.
9. Bible bangjat vei nasim ei.

Tu kumtha sung in

1. Na zi-natate bang chi pui nasawm a le?
2. Na innsung ah nasep silbawldan ding vaibang nachi hawm ding uoi, nou innsung in.
3. Na innkuon ua Missionary nasep a panlah ding dan kihoulim tum un.
4. Innsung siemthadan ding na innkuon un toukhawm unlen ngaituo un.
5. Innsung maitam a regular theitawp a bawlding in kilan un.
6. Kumlui sang in ngaidamna haujaw ding in dinkip sawm ni aw, ngaidamna haute, milungnopte ahi uhi.

7. Khotaang hinkhuo ah tawmngaina suhlat sawm un.
8. Innma-louma ah jong kumlui sang a i khan zawh ua, i neitam, i lamtam jawhna ding in pan latha va-ui.
9. Pasion gam nasepna himhim ah kunglui sang a kizang tamjaw ding in panlah sawm va-ui.
10. Ei Pasion tate a ding in, Bible sim apoimaw ahi. Bible simtam tum in.

Atung a teng genlou nangman jong silhoi na ngaituo be thei leh na belap thei a um ding a, tuate laikung khat la in 2018 sung a tahsa leh hagau hinkhuo a dia natupna ahoizawte giel in.

.....

TUNNU LIMBEL INTERVIEW RESULT

ZPWF etkol Tunnu Limbel ah Naupang etkolte belapna ding in January 20, 2018 in Interview nei ahia, naupang 8 kilahbe in tam anei a te ahi uhi.

1. Mr. Manglammuan s/o (L) Liansuanpau, Hiangtam
2. Mr. Suonmuonlien s/o (*L) Ginzakhai, T. Munnuam
3. Ms. Esther Ngailunkim d/o (L) Zamkhohau, Tuibuyong
4. Ms. Manitnou d/o (L) Hemanta, Zoumunnuam
5. Ms. Somlianpau s/o Hauminlun, Lailam veng
6. Mr. Chinsianpiah s/o (L) Chinminthang, Lailam veng
7. Mr. Lunchunghau Manlun s/o Vumlunlal, Thingkangphai
8. Mr. Mangmaldawm s/o Nerngsuanlam, Bohlui

Tualeh Warden ding in Mr. Thangkhansiam s/o Upa Chingenpau of Muallum lah ahi.

HATTUOM SUNG A PASIAN SUM NEHGUH-TAHGUHNA (CORRUPTION) TÖPSAN VA-UI.

-Rev. Dr. Hangpi Manlun

(Ahisih leh Mangpa Pasian in eima-le-i khanggui khu umgui/maigui zuun in hing zuun ding hi).

1). A umzie hilchetna.

Awle ithupi uh, ‘Corruption’ ichi chieng un ilungsim uah sum-le-pai nehguhna lam maimai hiding in igingta paimai uhi. Ahin aumzie, dihtah ah khun tambang chau ahisih a, ‘thuneina zahkhielnate, midangten atanding ua kilawm atan lounate, mani bawldingte leh mani bawllou ding tanpha vabawlnate ban ah dihloutah a sum-le-pai munate khu corruption’ chi’n a huopthei ding hi. Tualeh corruption hamkam khu eima ham-le-pau bang mai-in i mangta ua, eiham a lekhieh ding hitaleh a lena dihtah theisiem ahamsa mama hi. Azieh ahileh ipu/ipate mi gin um leh siengthou ahizieh uh ahingei ding a amau hunlai in nakijang tamlou hingei ding hi. Tuaziehin, eiham zanglouin Sapham a ‘corruption’ chi’n izangtou ding uhi. Tualeh i Bible uah zong corruption chi kammal 80-vei val atuong a, tuate khu tahsa-le-hagau susie thei leh Mangpa lah a dihlou tah a khawsahna leh a dan jui utlou mite genna ahideupen hi.

2. . Bible a Corruption thu imute uh isui masa ding uhi.

2.i). Adam leh Evite nehguhna thu. I Bible ietleh Siemchilbu ah Pasianin Adam leh Evite nupa kung ah ‘sia leh pha theina sing ga khu nelou ding in thu apie’ hi. Ahin Setan thu mang in nehluou ding sing ga anehtah ziehun, khawvel ah khelna alutta a, tuni dong in ei asuonle-hahte uh mikhiel ihilawthu uh imu uhi. (Siemchilbu 3). Tualeh Evi leh Adama’n nehluou ding anehtah ziehun, Pasianin ‘action’ a langal a, Eden huon apat a ‘notmang’ ngal mai hi. Tami a kipatin nehguh tah guhna pen Pasian toh kikhenna ahidan imuthei uhi.

2.2). AKan nehguhna thu. I Bible uah Joshua 7-na ah, Israelte Joshua lamkai a galjawna nasatah aneitou laiun, gingtatloupi in Ai khuo neunou khat ajouta sih uhi. Azieh ahileh Akan in lahlouding a Pasian in achite analah tah ziehin Israelten guollelna leh muolphou nasatahmai a tangua, mitamtahin zong ahinna uh atuohlaw uhi. Tam Akan khelna khu Pasian in Israel mipite khelna bangin asim sah a aguol lel law uhi. Tami a kipatin mikhat nehguhna khu innsung, chi leh nam, gam leh nam a ding a ngiem kiehna leh shina tanpha tuntu ahidante jong imuthei uhi.

2.3). Siempu Eli tate nehguhna. I Samuel 2-3-ah Siempu Eli taten Israelten maitam a kithoina ding sate Siempute nehdingte akineh ziehun, Pasian alungthah a a innsung uah Pasian lungthahna/hena tungin a hunlouin ashilaw uh a zong asiempu hina uh zong abei lawta hi. Tamna kipatin nehguhna khu tahsa-le-hagau a Pasian sapsietna leh khanggui tan theina ahidan jong imuthei uhi.

2.4). Israelte lengpa/kumpi masapen Saul dihtatlouna. Tami jong 1 Samuel 15-ah imu uhi. Pasian in Kumpi Saul khu, Amalek mite dou a thatlum sieng ding a thu apiehlaiin, Saul in thumanglouin lahlou ding, belum, bawngtal leh a lengpa/kumpipa uh Agag nasan ahing in ang kai ziehin Pasian in akumpi hina akipatin apaimang hi. Lahlou ding leh thalup sieng ding a Pasian thupieh a zui nuomlou ziehin Pasian in ataisanna atop ah ama-le-ama akithatlumta hi Tamna kipatin nehguhna khu atop a mani ngei adia sietna leh shitheina tuntu ahidan imuthei uhi. .

2.5.). Elisha suoh/sila Gehazi nehguhna thu. 2 Lengte 5-ah Sepai sap lien Naman in aphahna Jawlnei Elisha thupieh bang a Jordan lui a sagivei kiphum a, suhdamna atanlaiin kipah etsahna in Jawlnei Elisha kung ah silpieh apiehsawm lai in ala ut sih hi. Ahin, a suoh/silapa Gehazi in enla in aguh in avanuadel a, kapuin dangka talent khat leh kihenna puonsil ni, hing pie in ava chi hi. (tang 22-23). Tami thu Elisha in atheitahin hamsiet in, “Phahnatin ahing man ding a, kumtawnin nahah, nasuonte zong aman zel ding” achita hi. (tang 27).

Tamna akipatin anehguhna ziehin ahah asuonte tanphain phahnatna aveilaw uhi. Tunin zong nehguh/tahguhna ziehin Pasian nnasem tampite jong hagaulam a phah tamtah iumta uhi. Tami gawtna khu eikhangmai a beilou a itukhang itakhang a apap ipuohkhah ding a zau huai mama mai hi.

2.6. Juda Iskariot nehguhna thu. Juda Isakriot in Mangpa Jesu khu zuohin, Siempute kung ah dangka 30-daplahin amansahta mai hi. Ahin atopin akisia mama a, A sumte khu siempute kung ah avanua piekhia sawm a, amauten lah deilouin, ‘mikhuolte kivuina ding hanmuol leina in ajangta uhi’. Atop in amapa khu akikhailum in vanlai jawl ah agilpi apawh kehta hi (Nasepte 1). Tami akipatin nehguhna khu inehlaitahin nuom ding dan bang in kilang jong leh inehguhtah chieng in anuomtuon sih a, ama a dingin shina tuntu ahihinga mai hi. Tamtan a tunpi dinglam amathei hileh zaw hibangin agamta khawlsih ding hi.

2.7). Anania leh Saphirate nupa nehguhna thu. I Lai siengthou Nasepte 5- ah jong, Anania leh Saphirate nupain jong agam neisa khat uh azuoh ua, akim khat akoidap ziehun Pasian khem suohin nikhat thu in ahinna uh atanlaw uhi. Tamnah, atahtahin gen lei anehguh uh ahitahtah sih a, sawm-a-khat apiehlou ziehuh ahibou hi. Tamna a phuoldap uh sumte khu kon atangta diei le? Eiten zong Pasian zaulou zen a, inehguh/tahguh na tohinei igoutepe khu dachieng a i shisan mai ban uah rapture zou chieng a ding a gou khawlkawl isuohmai de maw?

2.8) I Mangpa Jesu ahan akipat athawkia nua golgulna thu. Mathiu 28:11-15, sung ah Jesu khu shina zou a han a kipat athawkialaiin, galkap/sepaite kung ah siempu liente hing pei in Jesu pen athoukia hilouin sepaite ihmut kalin anauzuiten aluong khu aguuhmang ahi achina ding un sum tampitah apie ua, tuni dong in tami thu khu Judate lah ah tambangin akigen nalai hi. (tang 5). Tam atung a igente nehguhna hinkhuo namangte khu koima anuomsa leh kipah aum sih uhi.

2.9). I Bible gendan in sawm-a-khat piehlou jong nehguhna ahi.

Pasian guoljawlna itan bangbang a sawm-a-khat pieh louna khu nehguhna chi khat ahi. Pasian in Malaki bung-3 ah, “Sawm-a-khat kei a ahi a chi a, piehlou khu ama guhsahna jong achi hi.” Tualeh Mangpa Jesu jong khawvel a lenlai in, ‘Kaisar sil khu Kaisar kung ah pie un achi hi..., ‘Pasian sil’ khu Pasian kungah....” a chi hi. Tuaziehin Pasian satan sawm-a-khat dihtaha piehlouna jong khu nehguhna leh Pasian suomna chi khat ahithu i Bible uah chientahin imu uhi.

3). Pasian Hattuum sung a nehguhna (Corruption) thu. Pasian guolzawlna toh i hattuumte u’zong khangtoug in mate i sawntoug zelzel ua, i budget-te uh zong crore nival bang ahitheita hi. Ahin, isimmawna leh nuoisiena uh hikeilouin, tamna i sum mu na dingte uh khu atangpi in mi gin umte tuohkhawmte akipat ahia, tuate khu-mi aahtui mante, mi hawlhut mante, Rickshaw hehte nithate, nikhuotha kilawte, meithai tagate apat leh mite nehtah sih hing kitoikhawm veuvoute leh adangdangte apat ahitangpi uhi.

Tualeh, i gensa bang un Solkal nnasemte gentahlou a hattuum leh hattuum lamkaite lah ngel ah zong nehguh/tahguhna khu abei dieh sih hi. Tualeh, sum-le-pai saitute khun isai khah nah pou leh nehthei leh nehding et a ietmaite uh zong silda umtah ahi hi. Pasian in sawm-a-khat peloute bawn guta ang chi leh migenthei/liengvaite piehsa suthelthang a negu ngamte khu Pasian ngai in migilou tungtuong leh huoisie vot-te ahiding uhi. Amaute ziehin, ginna a naupangte khun silpieh thadana aneilawthei ua, tuabang mite khu gawtna ding khu Bible in, “Angawng uah bu-gawi zanna suong gihpi khat awhsah a, tui lithuhpi sung a khieh ding” chi a agente u’khu a satanding uh hileh a kilawm mai hi. Tuabanah, Pasian in ‘Kei khu khangni khangthum a phuba latheitu Pasian ka hi a chi bang in, eite nehguh/tahguh ziehin itu/ita bangma theiloute tung a Pasian gawtna zong hingtung thei ahilam imanghil sih ding uhi.

4). Pasion sum na neguten mite solzou/khemzou nanle uh zong Pasion a solzou sih ding uhi.

Tulai khawvel pen a chalaklak, a bawlngamngam leh migilou a pilkhelte adingin tawmnou khat sung chettheina gam asuohta hi. Pasion sum-le-paite zong a negu nuom leh anegu ngamte a ding vang nehtheina ding lampi aum tham ding hi. Ahin tamte khun sawt adai het sih ding hi. Tualeh, auditorte isawlzou maithei a, ahin Pasion leh eima ikisawlzou ngai sih ding hi. Aumzie ahileh mihingte sawlzou nan lei zong eima-le-Pasion khu ikisawlzou sih ding uh china ahi hi. Atawmkim, in gentalei Pasion sum toh van neitah lei a ta leh nau chawmte zong koima a kuitung aum ngia-ngua sih uhi. Kikhang hilna pha ahi hi. Tuaziehin, Pasion sum inehguh leh ikituohpi ding khu a sum neipa Pasion ahimai ding hi.

5). Thukhum sin/topna.

I gensa bang un nehguhna khu Pasion poikhoina ahi a, nikhat nichiang in Pasion vaihawmna masang ah i dingpi chiet ding uhi. Ei Khristian Pasion hing bête in tambang sildih lou leh suolte idou ding uhi. Tam a tung a igente khu koima mimal demna leh genna ahisih, a sukhkha zousie in kei hing kigenna ahichin lathei lei a hoi mama ding hi. Mangpa'n simtu zousie hing guoljawlta hen aw. Amen!!!

.....

KHRIST A SILSIEMTHA

Ruth Massenger Jan-Feb. 2016 apat lahsawn

Kum 2017 sung in mi tamtah vuiliem in a um uhi. Eima kidoh dia hoipen bang zieh a amaute vuiliem a um uh e? chi hilou in Bangzieh a kei vuiliem a um khalou ka diei chi ahizaw. Ei 2018 a puilut a umte ihoina, chitna leh manphatna zieh hilou in ei a Pasion in lametna a nei lai zieh ahi. Ama a ding a hingthei a hing deilai zieh ahi. Pasion in ihina ding a ahing sesah tan tung nailou khumlam manaw zel a kalsuon tou zel ding a ahing lam-ette ihi. Ama pahtawina, phatna hinkhuo a hing thei ding Ama min suthupi ding a

ahing dei nalai zieh a tam Kumtha ahing puikai ihi uhi. Tua ahiman in nahpi tahn Ama tungah kipah thu genvai. Ama deina eima ah suh tangtun sawm vai. Tua hileh i hinna zieh dihtah ahing ihita ding ua, kipahna, nopsahna leh lungkimna nei ding ihi. Bang chi leh i hinding bangtah in ihing thei diei? Paul in tam khovel umdan toh kituohin um nonsih unlen, Pasian deilam, hoisahlam leh kipahpilamte na thei tel theina ding un na lungsim uh siemtha a um in hing lamdang zawta un (Rome 12:21) a chi hi. Mihing hindan luipen tam khovel toh kituoh mama a, khumpen nuom zong isa hi. Hinanleh khum in Pasian deidan mihingte a dia tahsa lungsim leh hagau lam adia a hoipen tuon sih a, ahoilou asie atunzaw tham hi. Tam khovel umdan ithei chiet ua, nehgu tahgu na, numei pasal kal a thangtatna, dinmun leh houtu hi ut sengna, leitung silte ngaisang seng nate ahi. Tamte khovel peidan him ahi. Shi nung leh hagau lam dinmun ding khuol zou lou khop a tam damsung a thupina ding hausatna ding leh nopsahna ding chau khuolna pen tam khovel umdan toh kituoh a umna ahi. Khum pen melma setan in ngai thupi leh ngai poimaw mama ding in ahing zilsah hi. Khum in i hinna suse dildel hi. Hinapi'n leitung mi atamzawte khum dinmun ah ding ua tuabang hinna in ahing uhi. Paul ma in “Mi koipou Khrist a aum leh sil siemtha a hing hi a silluite amangta a, ngai un ahing tha ta” (II Kor. 5:17) achi hi. Tam nah mi koijong, mi koipou kumtha meel mute silsiemtha achi sih a, koijong inntha e, sil manpha tha neite zong silsiemtha achi mong sih hi. Mi bang chite e sil siemtha achite..? “Mi koi zong Khrist a aum leh achi hi. Korinth khuo a Hattuumte Khristian ahi uh. Khristiante lah ah zong piengthasa leh piengthalou aum chi i thei, piengthasate lah ah zong Khrist a um leh umlou aumthei lai hi. Piengtha tengteng Khrist ah um sieng lou dan ahi. Bang chi a Khrist a um thei ding e? Khrist a um ichi pen Khrist thuthu aum china ahi. Khrist deidan suipen, utpen leh deipen a nei a khum dan a hing china ahi. Tamna Khrist a umthei ding dan pen na lungsim siemtha a um in hing lamdang zota un” achi hi. Lungsim tha, ngaituona tha i poimaw Khrist in a thuzaw ngaituona i poimaw tahzet uhi. Leitung mihingte Eden huona puona zieha Pasian a kipat

mangthang nawkhiet a um ihi. Khumna pat i ngaituonate i umdan gamtat dan leh i hamkam dihtei nawnlou hi. Tua a dihlou ngaituonate umdan, gamtat leh kampau dih lou ten itahsa i lungsim leh hagau lam ah sietna, gentheina, thuohna genseng lou a thupi leh shina dong tun hi. Khumte ma in tangton shina tun ding hi. Tamte akipat i suotat a, leitung tahsa a damsung tomnou kipah, lungkim leh hamuong a ium a, Shinung a Pasian kung a Van nopna tultheilou tang ding in Pasian in hing dei a tua ding in lampi hing bawlsah hi. Tahsa tung a natna tuomtuom thuoh, lungsim natna tuomtuom thuoh leh lunggim leh lungkhamtaha umte a ding in Pasian in lungnopna, puohzangkha in hing pie hi. Tua saang ding in Pasian in hing chiel chiel mai hi.

John Newton kum 1725 in London khopi ah pieng hi. Apa Longpu ahia, Anu ahileh Khristian Numei kipezou mama ahi. John Newton kum 7 ahi in anu'n a shisan a tua napat School kaizou nonlou in kum 11 ahi in aman zong apa Longpu hina ah vazui hi. I theisa chiet bang in Bus, Truck leh Long hehte (Drivers)mi hoiseng um khollou hi. Longpute adiehin khohsem uhi. Tuachin khelna chinteng ah kideh hetlou in kibuol ua, hamkam gilou gum leh zahmaw thungen theitop in zang uhi. Atom a gen in a umdan uh segop hi. Puonsil ding gina zong neilou Anneh ding gina zong neilou in Negro mivomte ann khamval te pou taang in um maimai uhi. Amahla mi ngoute ahi ngal a, khum hun din mun pen “Servant of Slaves” (Souhte suoh) chi hi talawm hi. Tembaw hing tung um chi athei chiengin apuonsilte leh a umdante miten athei ding uh zau in ana kibu zel a, khum hunlai in London a Nungah melhoi leh gin um mama khat in a pienthana ding leh London a hing tunkinna ding in ginumtahn ana thumpi zing hi. Apa Longpu ahina apat khawla hi. Tuachi'n a lawmpa Longpu khat Africa gam a peisawm pa kungah “Ka Tapa John Newton hing suikhie inlen London tan hing pawtung in chi'n athu hah hi.

Hinanleh ama ana kibu (hide) zel ahiman in mu zou ngailou uhi. Hinanleh a Long uh kipatkuon in tangval khat in ang khutzap a hing ngah un chikawm in ava del hi. Tua mipapen asuisui ua, amuzoulou

uh John Newton ana hi hi. Tuipi tung ah huipi leh guopi thupitah ahing tuoh ua a long (ship) uh segawp ding amaban uh pen shimai ding hita chi thei chien in zau leh ling pum in aum chiet uhi. Khum bang dinmun a aum laitah un John Newton in Pasian kung ah athum a, a khelnate ngaidam angen hi. Pasian in a itna thupi leh lamdangtah mai in Newton apom a huipi leh guopi zauhuoi lah a kipan hutkhiet in um hi. London ahing tun in Bible sim, Biehinn kai leh thumna in ahunte a zang a ahinna kipum hen vilvel hi. Atawp in Hattuum kemptu Pastor in pang hi. Tuachin leitung pumpi a Khristiante laa deipen **ITNA LAMDANG AMIN NGAI E** chi laa thupi mama khat hing phuahkhie hi. John Newton khu khovel a sil siemtha ahing suoh a lungsim ngaituona ahing ki lamdang in a hinkhuo pumpi hing kiheng lamdang sieng hi. “Suohte Suoh” ana hipa khu Pastor suonhuoi leh deithaw huoi mama ang suoh hi. Sawltah Paul ma in “Pasian deilam ahoi a lungtunhuoi a kipahna athei theina ding un Vannei umdante zui nonsih unlen na lungsim uh heng lamdang na zieh in aki henglamdang mite hing hita un achi hi (Rome 12:1-2). Pasian in akipahpi hoi asah a pom thei bang a hiei chi thei lou a igintat thu, eima ngaituo dan a Pasian deilam hidia i gintatte bawl mai lou ding in Paul in ahing thuhil hi. Tuaziehin Kumtha 2018 a hing puilut Pasian kung ah i lungtang sung tawng sukha ding khop in kipahthu gen vai. Tam kumtha lam zui in December 31 tan dong nang leh na itten na zuisuohna ding uoi...? chi ithei sih. I zuina tan tan ah Pasian deilam akipahpi leh a pomthei hinkhuo in hing mama lei uthuoi mama in nah deihuoi hina mai zen e? Tami nang a ding a hoipen ahi. Khum sang a hoizaw umthei non vawtlou ahi. Pasian deilam akipahpi hinkhuo leh pomthei hinkhuo ah nang zong a bukim lungkimna, kipahna leh lungnopna na nei ding hi. “Nang umna ah nopna bukim um hi” (Sam 16:11) in chi hi. Tam Kumtha ah abukim kipahna puongkhetu hisawm vaui. Khrist a silsiemtha i hing hichieng tam kipahna leh lungkimna bukim kinei hi. Khuminei chieng in um zeneina ma hinkhuo in ihing thei tading uhi. Tuachiengin i hinna pen hinna dih hinkhuo ahi ding bangtaha hinkhuo ahing suoh thei hi. Mipilten Jesu amu ua, a bieh zou chiengun

lampitha, lampi dang azuita ua, masanga azui uh lampi zui non lou uhi. Kumtha ah eiten zong lampitha thum tamzawna, biehin kai tamzawna, Bible sim tamzawna hinkhuo lam tha zui tavai khumma idamsung teng zui denta vai awi.

.....

Pastor Luungla

Rev. Mangsuanthang kum - 53 BIO-DATA



- | | |
|--------------------------------|-------------------------------------|
| 1. Min | : Rev. Mangsuanthang |
| 2. Pamin | : (L) Upa Khupgou |
| 3. Permanent Address | : Zoveng Ginsum Road Churachandpur. |
| 4. Date of Birth Christian Ara | : 01-03-1965 |
| 5. Academic year | : 01-04-1969 |
| 6. Place of Birth | : Singngat Churachandpur |
| 7. Educational Qualification | : MA |
| 8. Theological Qualification | : BD |
| 9. Pro. Pastor hikum | : 05-03-2006 |
| 10. Ordination tan kum | : 12th Feb. 2009 |
| 12. Name of Moderator | : Rev. P.C. Manga |

ATANCHIN TOMKIM: Kum 1992 in Manipur University ah MA zou in Rayburn College ah Lecturer nna sem hi. Kum 2000 in Pasian thu ah pienthana nei in Pasian nasep ding lunggulna toh Manipur Presbyterian Church Synod (MPCS) ah Head Clerk na sem a khumzou in Aizawl Theological College (ATC) ah 2001-2005 tan Bible jil hi. Bible a zil zou 12th February 2006 Zou Synod 2nd Session thaneina toh Moderator khut zang in Pro. Pastor dinga siem ahi. Tualeh 2009 Zou Synod 5th Session thaneina toh Moderator khut zang in Pastor piching dia namdet ahi.

AKIZAHNATE: Kum 2011-2012 sung Zoutang Presbytery (ZTP) Moderator hina ana tu a, Kum 2016-2017 sung Synod Moderator hina ana tukia hi. Kum 2011 in aji it Miss Manhoilam toh Shillong ZPCS ah Pasion dan siengthou in ana kiteeng uhi. Gil a ga tapa it huoitah Mr. Goulalchinlien nei uhi. Ama a nnasep ah akipah mama a, tahsa hatlou pumpum in Home Crusade, Revival chite ah Speaker in panga imi nam lah ah Khantanhoi (Gospel) puongzahtu zong ahiden hi. Ama pen mi hamtmlou thutah leh fel mama mi ahia, atu atate it leh ngai mama in kum teng in a lutung ua khut ngam a thumsahna nei gige mi ahi.

ANA BIEL KHAHTE:

2006-2007 Lentang District (MGP)
2007-2010 Shillong Outside Manipur
2011-2013 Tuivai District (ZTP)
2014-2016 Gunpang District (MEP)
2017- Ashitan Central District (MGP)

APIENPI SANGGAMTE:

1. (L) Nu Ngaihoiching
2. Nu Ngaingaihman
3. (L) Pa Selchinlien
4. Pa Thienlienhou
5. (L) Tv. Ginkhanlal
6. Nu Manneilam

Tam bang a hatlou pumpum a amuon Mangpa nna ginumtaha asep lai in tam khovel i inndet hilou ikhuolzinna gam mai ahiman in apeisa January 09, 2018 niin damna ngai a RIMS Hospital a etkol ding a puoh tung ahia, hinanleh zanlam nai 10:00pm in a it angaiteng nuasie in thupina gam ahing zotsanta hi. Tam i Khristian Tangkou deithaw huoi tah ah ama i suun thu ipuong uhi.

.....

KHOCHIN SUM SUNDAN LIST

November 2017 to January 2018 Sawm-a-khat pete

1. Muallum	13. Belpuon	25. Sabual
2. Sugnu	14. M. Buongmun	26. T. Zion
3. Tongdam	15. Zomi Zion	27. V. Bethel
4. Lailam Veng	16. Saiboh	28. Khuainuoi
5. LDCC Hiengzou	17. D. Phailian	29. Mualtam
6. Awnchinkap Khuo	18. Behiangjang	30. T. Munnuam
7. P. Salem	19. Tuibuang	31. N. Khaukuol
8. Buhsau	20. T. Khajang	32. PN Khovong
9. Zoumun	21. T. Talnuam	33. Teisaljang
10. L. Gangpimuol	22. Zomi Colony	34. Immanuel
11. Aina	23. Delhi	
12. Central Church	24. Kanaan Veng	

ZPWF Column:

24th November, 2017 to January 18, 2018 tan a

TUNNU LIMBEL PANPINA PETE

1. Dimkhanching, Behiangjang	Rs. 200
2. PWF Moreh-I Anntang tang	Rs. 1,200
3. PWF Kanaanveng	Rs. 200
4. Nu Ningzaman, Rengkai Christmas gift	Rs. 2,000
5. PWF Lailamveng Christmas gift	Rs. 4,000
6. Chingngaikim, Behiangjang	Rs. 200
7. Ginzathang, Tangnuam	Rs. 500
8. Mission Board Zomi Colony	Rs. 300
9. ZPCS Session tuohkhawm	Rs. 3,012
10. Tuivai District tuohkhawm	Rs. 440
11. Chingneihat, Tangnuam	Rs. 7,000
12. Rev. Kapsuanthang, Sugnu	Rs. 300
13. Jacob Suankhanlian, Lailamveng	Rs. 500
14. PWF Sabual	Rs. 1,000
15. Lunngaikim, Imphal Game village	Rs. 10,000
16. Upa P.K Soia, Tuining	Rs. 200
17. PWF Sangaikot Christmas gift	Rs. 500

18. Flora Hatnu UK	Rs.	35,000
19. Dimneiching, Central Church	Rs.	2,000
20. Chinghauniang, Central Church	Rs.	200
21. Niangzalam, Tuibuang	Rs.	500
22. PWF Zomi Colony Christmas gift	Rs.	2,000
23. LCC Muollum Christmas gift	Rs.	2,000
24. PWF Lailamveng	Rs.	2,915
25. S. Chingngaichiin, Lailamveng	Rs.	1,000
26. Vungsianman, Lailamveng	Rs.	1,100
27. Hielzaniang, Zomi Colony	Rs.	500
28. P/P Ginlianmang, Daijang	Rs.	500
29. Rev. Zamlianpau, Lailamveng	Rs.	2,000
30. PWF Muollum Christmas gift	Rs.	1,000
31. Esther Neiching, Central Church	Rs.	250
32. Velzagin, Central Church	Rs.	200
33. Nh. Chinglunmawi, Central Church	Rs.	100
34. LCC Central Church, Christmas gift	Rs.	3,400
35. PWF Daijang Christmas gift	Rs.	500
36. Chindeikim, PWF Gangpimual	Rs.	800
37. Nh. Nemhoi, Tuilaphai	Rs.	200
38. PWF T. Munnuam	Rs.	1,000
39. Chingneikhawl, Aina	Rs.	1,150
40. PWF Tuilaphai, Anntang	Kg	54
41. PWF Thingkangphai, Anntang	Kg	45
42. Zotang District, Buhum	Bag	2
43. PWF Singngat Anntang	Kg	50
44. Nu Nianglianmoi, Singngat Anntang	Kg	50
45. PWF Kanaanveng Anntang	Kg	55
46. PWF D. Phailian Anntang	Kg	35
47. PWF Aina Anntang	Kg	60
48. PWF Khuoinuoi Anntang	Kg	60
49. PWF Thingkangphai Anntang	Kg	40
50. PWF T. Munnuam Anntang	Kg	10
51. T. Tanguam Buhum Bag- 2, maisan pum-4, maipuang pum-1, Bal Kg-5		

Adihlou umkha te Office a suhdih theizing ahi.

Petu zousie Manpa'n hing guolzawl zing ta hen..!

.....

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. (L) Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhothang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. V. Vungzalian	20. Rev. Retd. Kamkhosoi
21. Rev. Retd. Tualzachin	22. Rev. (Rtd.) H. Nengzaton	23. Rev. Awnkhanhup	24. Rev. Dr. Hangpi Manlun Zou
25. (L) Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkhothawng
29. Upa Khaichinmang	30. Rev. Stephen Chinzathang	31. Pu Khupkhanmang	32. Pu Khaidohlian
33. (L) Hav. Khamzahang	34. Pi Vungzanuam	35. Pu T. Gouzadou	36. Upa Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhosam
77. Upa (L) Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkhohling
93. Pu Hauliankap	94. Pi Chinnu	95. (L) Upa Ngulzakhai	96. (L) Upa T. Gougin
97. Pu Ginsuanhau	98. Upa (L) Langminthang	99. (L) Rev. David K.Samte	100. Upa T.S.K. Samte
101. Upa S.K. Khama	102. Pu Kamkhopao	103. Pu Thathang Taithul	104. Pu Kamkhankap
105. Bhim Prasad Ghatani	106. Rev. M. Kapsuanthang	107. Nu Chingneikim	108. Rev. Khupkhanhsuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. (L) Mangsuanthang	115. (L) Pu Lamchinhou	116. Upa Pauchinlel
117. Nu Kimneihei	118. Upa Kamgenpau	119. Nh. Niangsuanuam	120. Nu Ngaikhanvung
121. Pu P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikholam	128. Upa Lunchinhang
129. Pu P. Tongthang Zou	130. H. Nehzamang	131. Pu Thangsuankhup	132. Upa M. Kamzadou
133. Pu Jamkholian Munluo	134. Pu Sianzakhai	135. Upa Thangginsuan	

LIFE MEMBER-TE

01. Upa (L) T. Khupkhenpau	02. (L) Pu M. Ginzahau	03. (L) Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07. Pu Chinsuanthang	08. Upa Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	

Undelivered

Please return to:

The Editor

KRISTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,

Edited and Published by the Editor on behalf of the Zou Presbyterian Church Synod